

女科百問目次

第一問精血以分男女之本源	一	第十八問婦人身體疼痛流注不定	一九
第二問古法男三十而娶女二十而嫁	一	第十九問朝食暮吐	二〇
第三問婦人感病倍於男子	二	第二十問婦人之病多因氣生	二一
第四問何以謂之天癸	二	第二十一問猝然而死少間復甦	二二
第五問何以謂之經候	二	第二十二問病非瘧之邪四時多病寒熱	二三
第六問經候或前或後多寡不定	三	第二十三問因咳嗽經候不行	二四
第七問月水依時來不快捷	五	第二十四問咳嗽有紅痰	二五
第八問經水欲行先身體痛或腹痛	六	第二十五問吐血衄血齒衄舌上出血汗血	二六
第九問月水閉絕不通	八	第二十六問婦人偏喜酸物或嗜冷	二七
第十問虛勞之病何以別之	九	第二十七問婦人喜少怒多悲泣不止	二八
第十一問婦人卦數已盡經水當止而復行	一二	第二十八問咽中狀如梅核或如炙肉	二八
第十二問何謂避年	一三	第二十九問婦人足十指痛如油煎覆之則熱	二九
第十三問室女經候當行不行	一三	痛風吹則冷痛	二九
第十四問未出閨門女有三病	一四	第三十問婦人少年髮少	三〇
第十五問婦人多驚	一五	第三十一問四肢如故但腹脹者	三一
第十六問婦人多因風冷而生諸疾	一六	第三十二問病有血分有水分何以別之	三一
第十七問婦人多頭眩而冒	一七	第三十三問心腹痛或又有小腹痛	三二

第三十四問下利經水反斷	三四	第五十二問何以謂之有娠	五三
第三十五問婦人晝則明了暮則譫語如見鬼	三五	第五十三問何以謂之居經	五四
狀	三五	第五十四問婦人居經之後心中憤悶不欲執	五四
第三十六問癲狂之病	三六	作惡聞食氣	五五
第三十七問病有一臂痛有兩臂俱痛	三八	第五十五問居經之後或復有漏下	五七
第三十八問婦人渴病與三消之病同異	三九	第五十六問胎在腹中時時撞動不安	五九
第三十九問腰痛如折	四〇	第五十七問何謂子滿	六〇
第四十問婦人面多生黑肝與黑子	四一	第五十八問妊娠三月曾經墮胎至其月日復墮	六二
第四十一問身目黃	四一	第五十九問大小二便秘結不通	六三
第四十二問陰崩陽崩何以別之	四二	第六十問妊娠傷寒與常人傷寒治法同異	六五
第四十三問眠臥多汗	四三	第六十一問妊娠傷寒差後復發熱	六六
第四十四問左脇痛如刀刺不得喘息	四四	第六十二問時氣溫病皆能損胎	六七
第四十五問積聚之病何以別之	四五	第六十三問妊娠寒熱或因暑氣有不因暑氣而得之	六八
第四十六問身體常瘙癢	四七	第六十四問下痢與滯痢何以別之	七〇
第四十七問夜與鬼交	四七	第六十五問喘病何以得之	七二
第四十八問大小便不通	四八	第六十六問妊娠多痰者緣何而生	七三
第四十九問帶下三十六疾	五〇	第六十七問妊娠霍亂	七三
第五十問婦人有帶下或淋瀝不斷何以別之	五一		
第五十一問男女受形之始何以別之	五三		

第六十八問何謂子煩	七五	第八十七問產後乍見鬼神	一〇二
第六十九問何謂子嗽	七六	第八十八問產後不語	一〇三
第七十問何謂胸痺	七七	第八十九問產後腹痛又瀉痢	一〇三
第七十一問何謂子癰	七八	第九十問產後遍身疼痛	一〇四
第七十二問胎痿過年不產又兩胎一死一生	七九	第九十一問產後大便祕澀	一〇五
第七十三問妊娠墮胎或血出不止或血不出	八〇	第九十二問產後血崩	一〇六
第七十四問何以謂之子淋	八一	第九十三問產後腹脹悶滿嘔吐不定	一〇六
第七十五問小便或有利或有不通	八二	第九十四問產後口鼻黑氣起及鼻衄	一〇七
第七十六問大便或利或祕	八三	第九十五問產後喉中氣急喘	一〇七
第七十七問妊娠至八九箇月兩脚俱腫	八五	第九十六問產後中風	一〇八
第七十八問妊娠十月將養之法	八六	第九十七問產後心痛	一〇八
第七十九問橫生逆產	九四	第九十八問產後熱悶氣上轉爲脚氣	一〇九
第八十問熱疾胎死腹中	九五	第九十九問產後汗出多而變瘧風	一一〇
第八十一問胎衣不下	九七	第一百問產後所下過多虛極生風	一一〇
第八十二問難生	九七		
第八十三問產後血暈	九八		
第八十四問產後口乾痞悶	九九		
第八十五問產後乍寒乍熱	一〇〇		
第八十六問產後四肢虛腫	一〇一		

女科百問卷上

步軍司醫官兼太醫局教授齊仲甫撰

紹興裘詩福吟五校

○第一問。精血以分男女之本源者何也。

答曰。男子以精爲本。女子以血爲源。男子爲陽。陽中必有陰。陰中之數八。故一入而陽精降。二入而陽精益。女子爲陰。陰中必有陽。陽中之數七。故一七而陰血升。二七而陰血益。陽精陰血。皆飲食五味之實秀。爲男女之本源也。方其升也。智慮開明。齒牙更始。髮黃者黑。筋弱者強。暨其益也。凡充身肢體。手足耳目之餘。雖針芥之處。無有不至。凡子形肖父母者。蓋其精血。嘗於父母之身。無所不歷也。是以父一肢廢。則子一肢不肖其父母。一目虧。則子一目不肖其父母。然雌雞牝獸。無天癸而成胎。何也。鳥獸精血往來尾間也。精未通而遇女子。通其精。則五體有不滿之處。異日有難狀之疾。陰已痿而思色。以降其精。則精不出而內敗。小便道澀而爲淋。精已耗而復竭也。女人天癸既至。踰十年無男子合。則不調。未踰十年男子合。亦不調。不調則舊血不出。新血誤行。或潰而入骨。或變而爲腫。或雖合而難子。合男子多。則歷枯虛人。產乳衆。則血枯殺人。觀其精血。思過半矣。

○第二問。古法男子三十而娶。女子二十而嫁者何也。

答曰。天以剛陽爲尊。地以柔陰而卑。則乾坤之體定矣。若天不剛陽。地不柔陰。是乾坤之體不定矣。夫乾道成男。男自子位左旋。積三十歲而至巳。

所以男及三十而娶。當是之時。天陽已剛也。坤道成女。自子位右旋。積二十歲而至巳。所以女二十而嫁。至斯之際。地陰以順也。故及其時得子皆強。所謂乾坤之體定矣。不及其時而嫁娶者。則剛陽柔陰。必有所虧也。

○第三問。婦人感病。倍於男子者。何也。

答曰。夫婦人者。衆陰之所集。常與濕居。十四以上。陰氣浮溢。百想經心。內傷腑臟。外損姿容。月水去留。前來交互。瘀血停凝。中道絕斷。其中傷墮。不可具論。冷熱臟腑。虛實交錯。惡血內滿。氣脈耗竭。或飲食無度。損傷非一。或胎瘡未愈。合其陰陽。或行步風來。便利於懸厠之上。風從下入。便成十二痼疾。一作三痼之疾。所以婦人別立其科也。若是四時節氣。虛實冷熱爲患者。故與丈夫治法同也。惟妊娠而挾病者。避毒藥。恐或傷胎耳。大抵婦人以其慈戀憎愛。疾妬憂悲。染着堅牢。情不自制。所以爲病根深。療之難差。故倍於男子之病者此也。

○第四問。何以謂之天癸。

答曰。謂壬癸北方水干也。壬爲陽水。配丁而化木。癸爲陰水。合戊而化火。經云。水火者。陰陽之證兆也。且婦人者。衆陰之所集。以陰類陰。故得水之癸干也。女至二七。腎氣全盛。衝任流通。經血漸盈。應時而下。天真之氣殊降。與之從事。故云天癸也。內經云。二七而癸至。任脈通。太衝脈盛。月事以時下。故有子。然衝爲血海。任主胞胎。陰靜海滿。二者相資。故令有子。

○第五問。何以謂之經候。

答曰。夫女子十四天癸至。腎氣全盛。衝流任通。血漸盈。應時而下。常以三旬一見。愆期者病。故謂之經候。然經者。常也。候者。謂候一身之陰陽也。經常之氣。伺候而至。若潮候之應乎時也。天真之氣。與之流通。故一月一次行。平和則不失乎期。所以謂之經候。又名月水也。

○第六問。經候或前或後。多寡不定者。何也。

答曰。夫婦人病。多是月經乍多乍少。或前或後。時發疼痛。醫者一例呼爲經病。不會說得是陰勝陽。是陽勝陰。所以服藥少得有效。蓋陰氣盛乘陽。則胞寒氣冷。血不運行。經所謂天寒地凍。水凝成冰。故令乍少而在月後。若陽氣盛乘陰。則血流散溢。經所謂天暑地熱。經水沸溢。故令乍多而在月前。當和其陰陽。調其氣血。以平爲福。

陽氣勝陰。月假多者。當歸飲。抑陽助陰。調理經脈。

當歸

去蘆
微炒

熟地

淨洗酒
蒸焙乾

川芎

白芍

黃芩

小半

白朮

各等分

右爲麤末。每服三錢。水盞半煎至八分。食前熱服。

沉香降氣湯。順氣道。通氣脈。

烏藥

沉香

香附

甘草

砂仁

各等分

右爲細末。每服二錢。空心鹽湯調下。

陰氣勝陽。月假少者。七物湯。治婦人營衛氣虛。經水愆期。或多或少而腹痛。

當歸

芎藭

白芍

蓬朮

川薑

熟地酒蒸
焙乾

木香各等分

右爲麤末。每服四錢。水一盞煎八分。溫服不拘時。

紫石英圓。治婦人病多是月經乍少。或在月後。時發疼痛。

紫石英水研
飛

再餘糧燒醋
淬

人參

龍骨

川烏頭炮去皮
炙

桂心不見
火

杜仲去皮薑
製炒黑

桑寄生

五味子

遠志去心

澤瀉

當歸去蘆

石斛去根
酒炒

茯苓酒浸
洗

乾薑炮各
一兩

甘草炙半
兩

川椒去目并合口
炒地上出汗

牡蠣固濟火燒通
紅各半兩

右爲細末。煉蜜爲丸。梧桐子大。空心米飲下三十丸。至五六十丸。

已上無求子方

金華散。治婦人經血後熱。崩漏不止。口苦舌乾。經候不通。並宜服之。

玄胡索

瞿麥

當歸

牡丹皮

石膏二兩

乾葛各一
兩

蒲黃半兩

桂心

葳靈仙各三分凡方中云一
分者二錢五分也

右爲麤末。每服二錢。水一盞。薑三片。煎至六分。空心服。

已上養生席判官方

通經丸。治婦人室女月候不通。疼痛。或成血瘕。

桂心不見
火

青皮去白

大黃炮

乾薑

川椒炒去
目

蓬朮

川烏炮去
皮尖

乾漆炒去
烟出

當歸

桃仁炒去皮尖已
上各等分

右爲細末。將四分用米醋熬成膏。和餘六分末。成劑。白中治之。丸如

桐子大。陰乾。每服二十丸。空心食前米飲湯下。加至三十丸。溫酒亦得。

五靈脂散。治經候不止。拯濟方。

五靈脂爲末。炒令過熟出盡烟。每服二錢。當歸二片。酒一中盞。煎至六分。去滓熱服。連三服立效。如血室有乾血。用醋一盞煎七分。和滓空心熱服。

溫經湯

治衝任虛損。月候不調。或來多不斷。或過期不來。或崩中去血過多不止。又治曾經損孕。瘀血停留。少腹急痛。發熱下利。手掌煩熱。唇乾口燥。及少腹有寒。久不受胎。

丹皮

阿膠

當歸

人參

川芎

甘草

肉桂

芍藥

半夏

各湯洗七次二兩半

吳茱萸

麥門冬

各二兩半

右爲麤末。每服三錢。水一盞半。生薑五片。煎八分。去滓。空心食前熱服。

服。

○第七問。月水依時。來不快利者。何也。

答曰。婦人月水。有四經之所主。一者衝任二脈。二者手太陽少陰二經。然衝爲血海。任爲主胞胎。二者相資。故令有子。手太陽者。小腸之經。爲腑而主表。表屬陽。手少陰者。心之經。爲臟而主裏。裏屬陰。此二經在上爲乳汁。

在下爲月水。或勞傷氣血。致令體虛而受乎風冷。風冷客於經絡。搏於血氣。血得冷則壅滯。故令月水不宜利也。

養榮湯。治婦人血海虛弱。心忪恍惚。時多驚悸。或發虛熱。經候不調。

白芍

川芎

當歸

熟地

青皮

薑黃

川薑

丹皮

海桐皮

五加皮

白芷

右爲呶咀。每服五錢。水盞半。薑五片。烏梅一個。煎至一盞。去滓溫服。不拘時候。將此藥送下紫桂丸七十粒。紫桂丸方見四十九問

○第八問。經水欲行。先身體痛。或腹痛者。何也。

答曰。經脈者。行血氣。通陰陽。以營衛周身者也。血氣盛。陰陽和。則形體適平。或外虧衛氣之充養。內乏營血之灌漑。血氣不足。經候欲行。身體先痛也。或風冷之氣。客於胞絡。損傷衝任之脈。及手太陽手太陰之經。故月水將下之際。血氣與風冷相擊。所以經欲行而腰痛也。

赴痛飲子。治經脈虛寒。身體疼痛。

虎骨

五錢

茯苓

甘草

藁本

防風

白芷

各二錢

當歸

白芍

續斷

吳朮

附子

各三錢

右爲麤末。每服五錢。水二盞。薑五片。棗二枚。煎至一盞。去滓溫服。不拘時。

溫經湯。治風寒客搏經絡。小腹作痛。

當歸

川芎

白芍

官桂

丹皮

蓬朮

各半兩

人參

甘草

牛膝

各一兩

右爲麤末。每服五錢。水二盞煎八分。食前服。

沒藥除痛散。逐寒邪。療腹痛。

蓬朮

茂兩

當歸

焙

玄胡索

五靈脂

肉桂

良薑

炒

蒲黃

炒各七錢半

甘草

沒藥

各半兩

右爲細末。每服三錢。溫酒調下。

楊氏謂婦人每經欲行必先腹痛。令服撞氣阿魏圓。酒調大聖散。下數服。愈。經行不復痛矣。

撞氣阿魏圓

大聖散

見宋局方婦人門

茴香

炒香

陳皮

去白

青皮

去白

川芎

丁香

皮炒

蓬朮

炮

甘草

縮砂仁

肉桂

去粗皮

白芷

炮各半兩

生薑

四兩切鹽半兩醃一宿炒黑

胡椒

半錢

阿魏

二錢半醋浸一宿以麪同爲糊

右末阿魏糊爲圓。雞豆大。每藥一觔。硃砂七錢爲衣。常服一粒。嚼爛。

醋湯茶酒任下。

滋血湯。治血風虛。經候滯。經脈不通。四肢麻木。肌體渾身疼痛。倦怠。

將成癆瘵。

馬鞭草

荆芥穗

各四兩

丹皮

一兩

赤芍

枳殼

肉桂

當歸

川芎各二兩

右爲麤末。每服四錢。烏梅一個。水煎食前服。

琥珀散。治月經擁滯。心腹疼痛。及治產後惡露不快。血上搶心。迷悶不省。氣絕欲死。

京三稜煮

蓬朮煮

赤芍藥煮

劉寄奴煮

牡丹皮煮

官桂

菊花

蒲黃

熟地

當歸各一兩

右將前五味。用烏豆半升。生薑半觔切片。米醋四升同煮。豆腐爛爲度。焙乾入後五味同爲末。每服二錢。溫酒調下。

○第九問。月水閉絕不通者。何也。

答曰。夫月水不通。因風冷客於胞絡。或醉後入房。或爲血枯血癥。血癥或因墮墜驚恐。皆令月水不通也。病源云。血性得溫宣流。得寒則凝閉。既爲冷所結搏。則月水不得通行。若腸中鳴者。則月事不來。不來因冷。干於胃腑。或醉入房者。則內氣耗損。勞傷於肝經。或吐血唾血下血。謂之脫血。使血枯於中。爲積塊。血癥。血癥名曰血聚。使榮結於內。心主行血。墮墜驚恐。神無所倚而血散。亦令月水不通也。

順榮湯。治婦人血積。血塊。癥瘕。腹大內有塊形。築築作痛。久無寒熱。

大黃

一兩酒浸

當歸 一兩

萵苣 半兩

鬼腰帶

各一兩腹帶一本作篇

枳殼

一兩去穢炒

赤芍藥 半兩

猪牙皂角 半兩火上炙者

右爲咬咀。每服一兩。純酒二盞。煎至一盞。去滓食前溫服。

滋血湯。治勞過度。致傷腑臟。衝任氣虛。不能約制其經。血忽暴下。謂之崩中。或下鮮血。或下瘀血。或下血片。或下五色。連日不止。淋瀝不斷。形氣羸劣。倦怠困乏。或月水閉絕。氣不升降。

馬鞭草

牛膝

荊芥穗各四兩

丹皮

赤芍

枳殼

肉桂

當歸

川芎各二兩

每服四錢。烏梅一個。水煎空心服。至半月或一月。經脈自通。

桃仁煎丸。治血痕血積。經候不通。

桃仁

去皮尖
麩炒黃

大黃濕紙
裹蒸

川朴硝各一兩

蟲蟲牛兩
炒黃

右爲末。以醇醋二升半。銀石器中慢火煎取一升半。下大黃桃仁蟲蟲等。不住手攪。欲團圓。下朴硝。更不住手攪。良久出之。圓如桐子大。前一日不用吃晚食。五更初。用溫酒吞下五粒。日午取下如赤豆汁。雞肝蝦麻衣。未下再服。血鮮紅卽止。續以調氣血藥補之。此千金方出。

萬病丸見六
問中

○第十問。虛勞之病。何以得之。

答曰。夫有勞役之勞。有勞傷之勞。役之勞。所用太過。臟腑之氣失其常度。所以致疾。虛則已有所虧。勞則因有所損。其積之有漸。成之有日。豈一朝一夕而驟致哉。巢氏云。五勞六極七傷。謂之虛勞也。今尋原指要而論之。若腹脇有塊。大小成形。按之不動。推之不移。久久令人寒熱如瘧。咳嗽面

目浮腫。動輒微喘。日就羸瘦。此繇暴怒驚恐。氣上而不下。動傷於肝。氣聚而不散。結而成形。結久而變勞。又有日頓羸瘦。氣短乏力。腰背牽急。膝脛酸痿。小便或赤。或白而濁。帶下不禁。夢與鬼交。翕翕如熱。骨肉煩疼。此繇房勞過度。精耗氣竭。得之於腎。爲勞尤速也。

柏子仁圓。治婦人血閉不通。漸成癆瘵。

柏子仁

別研

當歸

洗

熟地

白茯苓

丹皮

卷柏

白芍藥

石斛

巴戟

去心

肉蓯蓉

酒浸

山藥

杜仲

白薇

蒲黃

枳殼

肉桂

京三稜

蓬朮

覆盆子

枸杞子

各一兩

附子

炮去皮
臍半兩

右爲細末。煉蜜丸。梧桐子大。每服五十丸。溫酒或米飲下。空心食前。人參劉散。去熱解勞。調順經水。滋養新血。藥性中和。退熱無大寒極冷之劑。

黃耆

三分

黃芩

赤茯苓

白朮

熟地

赤芍藥

麥冬

各一兩

柴胡

半兩

人參

知母

當歸

甘草

炙各三錢五分

右並生劉如麻豆大。焙乾入磁器中收。每服四錢。水一盞半。竹葉。燈心三寸長。各七莖。同煎七分。去滓溫服。不拘時候。日三服。如病退。不必服。

沉香煎。治暴怒驚恐。氣逆上而不下。動傷於肝。氣聚而不散。結而成形。

石斛

五兩

川椒

炒去目

附子

炮去皮臍

秦艽

去土

柴胡

去苗

沉香

木香

鱉甲

醋煮刮去筋膜

黃耆

檳榔

各二兩

右爲細末。先用新枸杞十觔。洗略槌碎。法酒二斗。煮取七升。取枸杞根。別用法酒三升。洗拍令淨。與酒一處。更入蜜四兩。煮成膏。和前件藥末。丸如桐子大。米飲下三十丸。食前日二服。一方加柴胡二兩。楊氏方。婦人患脾血病。時覺腹痛惡心。五心煩熱。如勞之狀。或進或退。經候行而食驚恐所致。令服局方四物湯加吳茱萸同煎。溫服病愈。逍遙散

四物湯加柴胡

又正方

白茯苓

白朮

白芍

柴胡

當歸

甘草

人參

每服用煨薑一塊。薄荷少許。不拘時煎服。

膠艾湯。治勞傷氣血。衝任虛損。月水過多。淋瀝漏下。連日不斷。腹臍疼痛。及妊娠將攝失宜。胎動不安。腹痛下墜。勞傷胞絡。胎損漏血。腰痛悶亂。因損動胎上搶心。奔衝短氣。因產衝任氣虛。不能約制經血。淋瀝不斷。延引日久。漸成羸瘦。

熟地

白芍

當歸

艾葉

微炒

阿膠

炒黃

芎藭

甘草

炙各二兩

右爲咀咀。每服四錢。水一盞酒六分。煎八分去滓。食前熱服。甚者連

服內補當歸丸。見五十問

○第十一問。婦人卦數已盡。經水當止。而復行者。何也。

答曰。經云。男子生於寅。寅爲木。陽也。女生於申。申爲金。陰也。寅屬木。陽中有陰。男子得八數。故入歲齒更髮長。骨之餘生齒。男子以氣爲本。入八則卦數已盡。盡則陰精痿。申屬金。陰中有陽。女子得七數。七歲齒更髮長。血之餘生髮。女以血爲主。七七則卦數以終。終則經水絕止。內經云。七七任脈虛。太衝脈衰少。天癸竭。地道不通。故形壞而無子也。或勞傷過度。喜怒不時。經脈虛衰之餘。又爲邪氣攻衝。所以當止而不止也。

茸附養真湯。補衝任。調血氣。

乾薑 四兩

肉桂

當歸

附子

炮各二兩

鹿茸 三兩酒炙

牡蠣 煨二兩

防風 二兩

龍骨

生二兩

右爲咬咀。每服半兩。水二大盞。煎至八分。去滓。不拘時溫服。

補中芎藭湯。治風虛冷熱。勞損衝任。月水不調。崩中暴下。產後失血過多。虛羸腹痛。或妊娠胎幻不安。血下。

當歸

乾薑 炮各二兩

川芎

黃芪

蜜炙

茱萸

湯洗七次

白芍

甘草 炙

熟地

杜仲

炒令絲斷

人參

各一兩

右爲咬咀。每服三錢。水盞半。煎一盞。去滓。熱服。空心食前。

當歸散。天癸已過期。經脈不勻。或三四月不行。或一月再至。問云。七損七益。謂女子七數盡。是經候不依時者。血有餘也。不可止之。但令依時。

不腰痛爲善。

當歸

川芎

白芍藥各一
白朮半兩

白朮

半兩

山茱萸

炮一兩半

黃芩

各剉碎炒各一兩
如冷去芩加官桂

右爲細末。每服二錢。酒調下。空心服。一日三服。

○第十二問。何謂避年。

答曰。王氏云。有一婦人。女年十五歲。來診。言女年十四時。經水自下。今經反斷。其母言恐怖。師曰。此女爲是夫人親女非耶。若親者當相爲說之。婦人因答言是自女耳。師曰。所以問者無他。夫人年十四。亦以經水下。所以女至此而斷。是謂避年。勿恠。後當自下。

拱辰丹。夫方當壯年。而真氣猶怯。此乃賦稟素弱。非虛衰而然也。僭燥之藥。尤宜速戒。勿謂手足厥逆。便云陰多。如斯治之。不惟不能愈疾。大病自此生矣。滋益之方。羣品稍衆。藥方微細。難見功效。但固天元一氣。使水升火降。則五臟自和。百病自去。此方主之。行在孫琳郎中方。葛丞相夫人少時服之。極効。

鹿茸

酥炙去皮
毛四兩

山茱萸

新好紅
者四兩

當歸

四兩

麝香

半兩
別研

右三件爲末。入麝拌和。酒煮麵糊爲丸。如桐子大。每服一百粒。或五十粒。溫酒或鹽湯下。

○第十三問。室女經候。當行不行者。何也。

答曰。室女者。乃未出閨門之女也。不以妍醜。至十四五歲。容貌皆紅嫩者。

謂之質朴未散。莊子云。綽約如處子者是也。當此之際。經脈來時。俗呼爲紅脈。或因驚恐。或冷氣擊搏。所以當行而不行也。

通經圓。治婦人室女月候不通。疼痛或成血瘕。嚴氏方內加玄胡索赤芍。減川烏。

桂心不見火

青皮去白

大黃炮

乾薑炮

蓬朮

川烏炮去皮

乾漆炒

當歸

桃仁去皮炒

川椒去目炒出

右爲細末。將四分用米醋煮成膏。和餘六分末劑。臼中治之。如梧桐子大。陰乾。每服二十丸。用淡醋湯下。加至三十丸。溫酒亦得。食前服。

桃仁散。治婦人室女血閉不通。五心煩熱。

紅花

當歸

杜牛膝

桃仁別研

右四味各等分爲細末。每服三錢。溫酒調下。空心食前。

○第十四問。未出閨門女。有三病者。何也。

答曰。未出閨門女。卽室女也。一病者。經水初下。陰中熱。或有當風。或有扇風者。二病者。太衝脈盛。氣則內熱。以寒水洗之。三病者。或見血下驚怖。若三病者。有一之所受。後必生帶下之疾也。

神仙聚寶丹。治婦人血海虛寒。外乘風冷。搏結不散。積聚成塊。或成堅瘕。及血氣攻注。腹脇疼痛。小腹急脹。或時虛鳴。嘔吐痰沫。頭旋眼花。腿膝重痛。面色痿黃。肢體浮腫。經候欲行。先若重病。或多或少。帶下赤白。崩漏不止。驚悸健忘。小便頻數。或下白水。時發虛熱盜汗羸瘦。此藥不